

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولتور

نسخه سی ۴۰ پاره در

فکرانک محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه به متعلقدر

توضیحات

محکمه تمیز اعضا سندن عطف و فلو عالی بک افندی
حضر تلرینه قدم و حسن خدمته مبنی ترفیعاً رتبه بالا
توجیه بیورلشدرد.

[اشقودره ولایتی مرکزینه و دراج سنجاغنه مربوط]
[قضایر تشکیلات عدلیه سی]

اچقه حصار قضاسی بدایت محکمه سی ریاستی مکتب
حقوق شاهانه مأذونلرندن محمد امین افندی به
قضای مزبور مدعی عمومی معاونلکی مناسبر
ولایتی مرکز بدایت محکمه سی ایکنجی مستنطقی قائق
افندی به

شیاق قضاسی بدایت محکمه سی ریاستی طرابلس غرب
ولایتی مرکز بدایت محکمه سی ایکنجی مستنطقی داود
افندی به

قضای مزبور مدعی عمومی معاونلکی ارطغرل
سنجاغی بدایت محکمه سی اجرا مأموری ناظم افندی به
تیران قضاسی بدایت محکمه سی ریاستی بنغازی
سنجاغی بدایت محکمه سی مستنطقی علی رضا افندی به
قضای مزبور مدعی عمومی معاونلکی سینوب
سنجاغی بدایت محکمه سی مستنطقی توفیق بکه

طوز قضاسی بدایت محکمه سی ریاستی قیرشهری
سنجاغی بدایت محکمه سی مستنطقی حسین حسنی افندی به
قضای مزبور مدعی عمومی معاونلکی چتالجه
سنجاغی بدایت محکمه سی مستنطقی مکی افندی به

لش قضاسی بدایت محکمه سی ریاستی ارطغرل
سنجاغی بدایت محکمه سی مستنطقی نظیف افندی به

قضای مزبور مدعی عمومی معاونلکی یوزغاد
سنجاغی بدایت محکمه سی مستنطقی عثمان نوری افندی به
تفویض بیورلش ومومی الیهک « ذات شوکتیهات
حضرت خلافتیناهی به و دولت علیه لرینه صادقانه حسن
ایفای خدمت ایده جککیرینه و خلاف ناموس و صداقت
ومغایر عدالت احوال و حرکاتی ده ارتکاب الیه جککیرینه
دائر امر تحلیف لرینک اجراسی لزومی محللرینه تبلیغ
وانبا قلمشدر .

تبلیغات

عدلیه نظارت مهلبه سنده رلایات شاهانه محاکم استینافیه سی
مدعی عمومی مکملرینه نظیر قلمانه ۲۵ ضربیه سنه ۳۱۹
تاریخی تحریرات عمومی نیک صوریدر :

اصول متخذة ایجابجه مقاولات محررلکری
فضله حاصلاتی اوله رق مرکز ولایت ولوا مدعی
عمومی معاونلکری نامنه ملحقاندر ارسال ایدلمکده
اولان اماناتک و قتیله بوسته خانه لردن اخذ اولتمامسی
تشویش قیود و معاملاتی موجب اوله کلدیکی بوسته
خانه لرحه بیان وشکایت ایدلمکده و مدعی عمومی
معاونلری نزدنده اچقه حفظه مخصوص قاصه بولندایینی
جهتله ملحقاندر پیدرپی وقوع بولان ارسالات تقدیه نک
کاملار ارقه سی آلتجه به قدر بوسته خانه لرده براغیلوب
آی نهایتده بالاخذ نظارت وزنه سنه اسبال اوله رق
بوصورت قاعده احتیاطه موافق اولمسيله ضروری
کورلمکده اولسنه بناء هم سالف الذکر شکایات
اورتندن قالمق همده ارسالات واقعه تحت مضبوطیت
وامنیتده جریان ایتک اوزره بوبابده برقاعده سالمه
وضعنک درجه وجوده بولندایینی بعض طرفدن وقوع
بولان اشعاراندر اکلا شلمشدر واقعا ملحق قضایر
حاصلاتنک برکونده مرکز ایصال و مرکز دنده
اوکون طرفنده بوسته خانه به تودیعاً نظارته ارسال
اولتمسی مستحیل اولوب قضایرک مرکز اولان
مسافه سنه واسباب سازیه بناء بر آلیق حاصلاتک بالطبع
تدریجاً مرکزده طویلانجهی جهتله حاصلات مذکور
ره نک آی نهایتده دکن مدعی عمومی معاونلری نزدنده
قالمسی ده معاونلر نزدنده قاصه بولندایینی کبی برطاقم
وسائل و تکلفات تحفظیه استحضارینی و بویوزدن
برخیلی مصرف اختیارینی مستلزم اوله جفتدن مدعی
عمومی معاونلرینک حق نظارتی کماکان باقی قالمق اوزره
بعدازین حاصلات مذکورده نک مرکز ولایت مربوط
قضا مقاولات محررلری طرفندن مرکز ولایت
مقاولات محررلرینه ولوالره ملحق قضایر محررلری
طرفندن دخی منسوب اولدقلری الویه محررلرینه

ایرسال و مرکز ولایت ولوا محررلری جانبندن ده
مرکز حاصلاتیه برابر بورایه اسبال اولتمسی مقاولات
محررلرینک اساساً مکمل بولنلری حسیله حاصلات
مذکورده نک دائره سهولت وامنیتده تعاطیسنی برقات
دها تأمین ایده جکی لدی الحواله انجمن اداره عدلیه دن
اقاده قلمش و بویوجهله معامله ایفاسی نظارتجه دخی
موافق مصلحت کوریلهرک شوصورت اصول اتخاذ
ایدلمش اولمغله بوندن بویله حاصلات مذکورده ارسالاتجه
بویولده معامله ایفاسی و فقط مقاولات محررلرینک
اشبو قرار وجهله طوغریدن طوغری به ارسالانه
مأذونیتلری جهتله مقدار کفالتلرینک ده اونستنده
ترید و توسیعی لازم کلوب چونکه نزدلرنده تراکم ایدن
حاصلات مقدارینه کوره مأمورین مومی الیه کفالتنک
تقدیر و تعیین درجه سی ذاتاً محللری انجمن عدلیه لرینه
مودوع بولنسنه بناء بوجهنک دخی نظر اعتنادن دور
طوتلمامسی اقتضا ایده جکندن ایجاب ایدلره بویوجهله
تبلیغ کیفیت ایدلمک اوزره اشبو تحریراتک نسخ مطبوعه
کافیه سی لفا ارسال اولندایینی بیانیله شقه ترقیم
قلمدی .

تحصیل اموال نظامنامه جدیدی موجبجه
استخدام اولنان تحصیلدارلرک مافوقی مأمورلر خبردار
ایدلمکسزین محکمه به جلب ودعوت و یا حبس وتوقیف
ایدملری تحصیلات معاملاتی اشکال ایده جکندن
جلبنه لزوم کورینان تحصیلدارلره محاکمه اصولی
دائرة سنده جلبنامه و ورقه دعوتیه تبلیغ اولمغله برابر
مأمورین مالیه ده معلومات اعطاسی و حبس وتوقیفی
موجب احواله دخی تحصیلات ایشی سکتهدار اولمامق
ایچون مقتضای حال ایفا اولنق اوزره کذلک مافوق
بولنان مأمورین مالیه به اخبار کیفیت ایدلمسی بالتنسب
کیفیتک لازم کلانلره تبلیغی ضمننده اشبو تحریراتک
نسخ مطبوعه کافیه سنک لفا تسیر اولندایینی بیانیله شقه
ترقیم قلمدی .

محاکمات قضاة

محكمة تميز استدعا دائره سندن اعطا قلنان
۲۶ شباط سنه ۳۱۷ تاريخي اعلامدر:

موصلي قصبه مي سکنه سندن وجلب اصنافدن
سيد محمد بن سيد علي وحسين بن محمود ايله پلنده
مکون دعوايه دائر بغداد ولايت استيناف محکمه سي
حقوق دائره سندن وريلان ۲۸ تموز سنه ۳۱۷ تاريخي
اعلامک تميز ني مستدعي ولايت مذکوره رسومات
ناظري اسماعيل افندي زاده حسن تحسین افنديک
ورديکي عر فحال ومتفرغاني باش مدعي عموميلک
مأموريت بهي سندن مطالعه نامه سيله برلشديريله رک
محکمه تميز استدعا دائره سندنه لدی التدقيق مدت
وشروط قانونيه سه موافق واعلام مذکور صلاحيت
متعلق اولغله عر فحال مزبور بالقبول تدقيقات تميزيه
اجرا سته ابتداد قلندی .

اعلام مذکورک خلاصه مالي سليمانيه سنجاجي
رسومات مديريت جانبدن اغنام رسومندن طولاني
مرقومان سيد محمد وحسين عليايرينه اقامه اولنسان
الاجق دعوا سندن رديله رسومات اداره سندن خزينه
جليله عليهنده اقامه دعوا ده مختار اولديغه دائر لواء
مزبور بديت محکمه سي حقوق دائره سندن وريلان
اعلام اوزرينه عند الاستيناف غياب سبب ايدن محاکمه
وتدقيقات نتيجه سنده مرقومان محمد وحسينک بديت
و برمش اولدقلري استدعا ده دعواي ميحوت عنهانک
اقامتگاهلري اولان موصل بديت محکمه سنده رؤي
الحاج ايدچکي بيان المياريه واصول محاکمه
حقوقيه قانونک اون سکرنجي ماده سي موجبجه
هر دعواک رؤي مدعي عليک اقامتگاهي محکمه سته
ماند و راجع بولنديغه مبنی ماده مذکوره حکمنه
توفيقاً استيناف استدعا نامه سندن رديله مرقومانک
اقامتگاهلري محکمه سنده اقامه دعوي اولنسي لزومه
حکمدن ومستدعي تميز رسومات نظارتک اشبو حکم
عليه لايجه سنده مندرج اعتراضک خلاصه سي
صلاحيت مسئله سي حقننه برکونه ادعا جريان اتميه رک
اساس دعوي حقننه محاکمه اجرا قلنمش وبوکي
صلاحيت خصوصاتي حقننه طرفيندن بري جانبدن
طلب وقوع بولمسرين اعطاي قرار اولنسي غير جائز
بولنش ايکن محکمه استينافيه جه خود بخود صلاحيت
حقننه قرار و برلسي مفاير قانون ايدوکندن مجله
اعلام استينافک تقضي استدعا سندن ومطالعه نامه نک
مفادیده اعلامده محرر اسبابه نظراً اعتراضات
مسروده نک موافق قانون کوريله مديکي بيانندن عبارت
بولنشدر .

الحاجي لدی المذاکره درجه اولی محکمه سنده
هر کونه مدافع من اول درماني قانوناً مقتضي اولان
واساس دعواک محاکمه سته کيريشلکدن صکره شايان
قبول واستماع اوليان صلاحيت ادعا سندن اولاسرد
وايراد اولوب اولنديني ومحاکمه کيريشلش ايله
بوندن طولاني استينافاً رد دعوايه يعني دعواي اصليه
رؤيته صلاحيتدار ديتلان محکمه به مراجعه قرار
و برلسنک احکام قانونيه مفايرني ماده سي نظر دفته
آلتق لازم کاور ايکن بورلري کرک اعلام استينافیده
و کرک اصول محاکمه نک تعريفي دائره سندنه اعلام
استداني مندرجاتي حاکي اولان اعلام استينافي
مذکورک مقدمه سنده تصريح و بيان ايدلماش وشو
اسباب تقض حکمي مستلزم بولنش اولديغندن اصول
محاکمه حقوقيه قانونک ايکيوژ اوتوز ايکنجي ماده سي
موجبجه اعلام استينافک تقضيه احکام قانونيه
دائره سندنه بکدن بالتدقيق اعلامه ربطی ضمنتده
کفتک محکمه استينافيه اعاده سته و درت بوز اون
يدي غروش اون پاره مصارف تميزيه نک بالآخره
حقسز چيقه جق طرفه راجع اولق اوزره اول امرده
مستدعي تميز رسومات نظارتندن المنسه ۲۶ شباط
سنه ۳۱۷ تاريخنده متفقاً قرار و برلدي .

تدقيقات تميزيه اجرا اولندقدن نظارت جليله نک
امر تحرير سته عطفاً تبليغنامه ده محرر اعتراضات
وارد ومستلزم تقض اسباب قانونيه مستند بولنديغه
مبنی اصول محاکمات جزائيه قانونک اوجيوژ قرق
يدنجي ماده سته توفيقاً مضبطه مذکورک تقضيه وايکي
بوز غروش تقض خرجک تحصيله ۱۹ تموز سنه
۳۱۷ تاريخنده قرار و برلدي .

مدرني قضاسنک ققوج قريه سندن بشل اوغلي
صالح ورفقاسنک معامه جبر و شدت اجرا ايدلرک اشيا سيله
حيواناتي اخذ وغصب ايتلرندن دولاي جنايتله
اتهام اولنان کونک قضاسنک جيقو قريه سندن راشد
بن مصطفى و اومورلر اهالي سندن مصطفى بن حاجي حسن
ومرقومانه يتاقلق ايدن عمر بکک اوچر سته مدتلرله
کورک قوللرينه دائر ازميد سنجاجي بديت محکمه سي
جزا دائره سندن وريلان ۲۱ نومرو لي اعلام
يالومک کرار لي قريه سي اهالي سندن محمد هلو انک
کيفيت قلندن دولاي جنايتله اتهام اولنان قريه مذکورک
ادريس بن نورينک اون بش سته مدتلرله کورک قوللرله
دائر ازميد سنجاجي بديت محکمه سي جزا دائره سندن
و ريلان ۳۸۲ نومرو لي اعلام

کيوه قضاسنک دائره قريه سندن باش اوغلي نيقولينک
دکاني آلت مخصوصه استعمالله آچهرق اچيه واشيا سي
سرقت ايدلکري ادعا قلنم سندن دولاي جنايتله اتهام
اولنان قريه مذکورک فليب ولد سائل وماتوق ولد
جزارک اوچر سته مدتلرله کورک قوللرينه دائر ازميد
سنجاجي بديت محکمه سي جزا دائره سندن وريلان ۳۲۲
نومرو لي اعلام
غلطه ده ساکن آريني ضرب و جرح ايله تعطيل
عضويه سببت و برديکي ادعا قلنم سندن دولاي جنايتله
اتهام اولنان وائي قريه ت ولد قالوصک اوچر سته مدتلرله
کورک قوللرله دائر در سعادت جنايت محکمه سندن
و ريلان ۱۲ نومرو لي اعلام محکمه تميز جزا دائره .
سنجه تصديق اولنشدر .

فاتحده تيمور رئيسک قهوه خانه سنده مصطفىاي
قتل وعثماني جرح ايلديکي ادعا سيله متهم بولسان
قونديره جي حاجي امين حقننه اجرا قلنسان محاکمه
نتيجه سنده مرقومک اثبات منازعه ده ذکر اولنسان
قتل و جرح فعللريني بالهور ايقاع ايلديکي شاهدلرک
شهاداتي ومعاينه رابوري مندرجاتي ودلائل سائر
ايله ثابت اولديغندن اولو جهله بحر ميته وقانون جزائک
بوز بتمش دردنجي ماده سندن ققره اولاسي حکمنه
توفيقاً اون بش سته مدتلرله کورک قوللرله ۱۹ خريزان
سنه ۳۱۹ تاريخنده محکمه جنايتجه قرار و برلشدر .

ويدوس قريه سنده صوطيرينک اوکته چيقه قرق
بارکولرني غصب ايتديکي ادعا سيله متهم بولنان طالب
نام ديکر عيدي حقننه اجرا ايديلان محاکمه نتيجه سنده
مرقومک فعل غصبه جرائي اکلا سيله مديغندن برائته
قرار و برلشدر .

اسکدارده احسانيه ده اشرف افنديک خانه سندن
فعل سرقته جرائت ايتديکي ادعا سيله متهم بولسان
عمر لطفی ومدعي حقنلرله اجرا قلنسان محاکمه
نتيجه سنده آلت مخصوصه استعمال ايتديکري و ديوار
آشهرق ايقاع سرقت ايلديکري اکلا سيله ميو ب اشق
مرقومانک ليلا آدم او طورر محاررله سرقته جرائلري
عمر لطفينک اقرار و ودلائل سائر نک الضما مي ايله
ثابت اولديغندن اول وجهله سرقت فعلنک فاعللري
اولدقلرينه وقانون جزائک ايکيوژ يکري ايکنجي
ماده سي حکمنه توفيقاً بولرندن عمر لطفينک برومديچنک
مکرر اولسي حصيله قانون مزبورک سکرنجي ماده سي
موجبجه برسنه حبس جزاسي بالتضعيف ايکي سته
مدتلرله حبس ايدلرلرينه ۲۱ خريزان سنه ۳۱۹
تاريخنده محکمه جنايتجه قرار و برلشدر

بوليس قوميسري موسي افنديک مترجم حني بکه
اطاله لسان ايلديکي ثابت اولديغندن يارم ليوا جزاي
نقدی اخذينه

سرکره اطاله لسان ايدن دهراندن يارم ليوا
جزاي نقدی اخذينه
شکري افنديک ضابطه مأمورلرندن عثمان افندي ني
ضرب ومومي ايله اطاله لسان ايلديکي ثابت اولديغندن
يکري کون حبسنه

سليمانک واسيلکيه اخافه صورتيه تشهير سلاح
ايلديکي ثابت اولديغندن اون بش کون حبسنه
ميشونک اچيه سني سرقت ايلديکي ثابت اولان
ميکنک التي آي حبسنه وختام مدت جزائيه سندنه
ضابطه جه کفالته ربطنه

آندونک خلاف تنبيه محله آره سنده سلاح آنديني
ثابت اولديغندن يکري درت ساعت حبسيله برابر بش
بشلاک جزاي نقدی المنسه

هايمي ضرب و جرح ايدن محرمک اون بش کون
حبسنه و برلر آله رق مضروبه اعطاسنه
دکاننده اقامت ايدن خرملبونک باره سني دولانديران
واسيلک اوچ آي حبسنه و اوچ ليوا جزاي نقدی المنسه
فاطمه خانمک ديکر فاطمه خانمي ضرب ايلديکي
ثابت اولديغندن برلر آله رق مضروبه اعطاسنه
يکديکري ضرب ايلديکري اصولاً ثابت اولان
قاضی کولي آرا به جي محمد و لئونيدى و فرانکول و نيکو .

لينک بر هفتنه حبسلرينه
قهوه جي چراغي کاظمي ضرب ايدن تلغراف
مفتشلرندن ابراهيم ادم بکدن برلر آله رق مرقوم
کاظمه اعطاسنه

اجراي مأموريت حالده بوليس قوميسري جمال
افندي ني تحمير ايدن اسکدارده ساکن رنجير احمدک
برهفته حبسنه

اجراي مأموريت حالده بوليس مأمورلرندن
علي رضا افندي به حقاتر ايدن قاضي قريه سنده ساکن
غازينوجي آندون برلر جزاي نقدی المنسه
خلاف تنبيه سلاح آنان طوبخانه لي اوغلنده ساکن
اوشاق محمدن بش بشلاک جزاي نقدی المنسله برابر
يکري درت ساعت حبسنه

بقال طراندن فلک جامني قيره رق کنديريني ضرب
ايدن ملک خانمندن برلر برچارک آله رق مضروبه
اعطاسنه

يکديکري ضرب ايدن اسکدارده طاغ حمامنده
ساکن تيمورجي اوخانس ايله آشجي اوخانسک برر
هفته حبسلرينه

لغلي مارياتي وتودوسيا قاديئلري ضرب ايدن
سودجي کرياقو ولد نيقولينک يکري کون حبسنه
حاجي قادين محله سنده ساکن علي بيرام اغانک
مشمعي سرقت ايدن قوجه محمد بن ولينک اوچ آي
حبسنه

سيويل بوليس مأمورلرندن سعيد افنديک امين
باشا خاني او طه جي باشي احمد جمال افندي به اطاله
لسان ايلديکي ثابت اولديغندن موسي الپدن يارم ليوا
جزاي نقدی اخذينه
مکتب طيهه طلبه سندن استاوري ايله آنتي ني
ضرب ايدن محمد بکدن ايکي ليوا آله رق مرقومانه مناصفه
اعطاسنه در سعادت ، بک اوغلي واسکدار بديت محکمه لري
جزا دائره لرنجه قرار و برلشدر .

اعلانات

تجارت بومر حکم سنده :

بک اوغلنده تونل اتصاليه مقيم بورکي اطناشيا .
دينک ۲ خريزان سنه ۳۱۹ تاريخندن اعتباراً اعلان
افلاسنه ومصالح افلاسيه نک رؤيت وتسويه سي ضمنتده
اعضاي محکمه دن عزتو مارقار افنديک روز قوميسر
ودعوي وکيللرندن قدری بک ايله غنکوس پوانيس
افنديلرک موقت سندیک تعيينلرينه ومغاز سيله اشياي
زائده بيتيه سندنک تمهيرينه واوراق ودفاترينک جلبنه
وکفالت مصدقه اعطا ايدمديکي تقدیرده حبس
وتوقيفه وبوبلدهکي قرارک موقتاً اجرا سته محکمه
تجارت بحريه جه قرار و برلش اولديغندن قانوننامه
تجارتنک ۱۷۰ نجی ماده سي موجبجه دائمي سندیکلر
انتخاب اولنق اوزره تموزک اون ايکنجي جمعا برکي
کوني ساعت يدي راده لرنده اصحاب مطلوبک محکمه
مذکورک افلاس او طه سته کلري اعلان اولتور .

در سعادتده ادرنه قوسنده مقيم فرونجي سيموس
يواننک ۳۰ خريزان سنه ۳۱۹ تاريخندن اعتباراً
اعلان افلاسنه ومصالح افلاسيه نک رؤيت وتسويه سي
ضمنتده اعضا ملازمي عزتو اسماعيل بکک روز قوميسر
ودعوي وکيللرندن آکا بک ايله علسکندر بيرام
اوغلي افنديک موقت سندیک تعيينلرينه ومغاز سيله
اشياي زائده بيتيه سندنک تمهيرينه واوراق ودفاترينک
جلبنه وکفالت ارانه ايدمديکي تقدیرده حبس وتوقيفه
وبوبلدهکي قرارک موقتاً اجرا سته محکمه تجارت بحريه جه
قرار و برلش اولديغندن قانوننامه تجارتنک ۱۷۰ نجی
ماده سي موجبجه دائمي سندیکلر انتخاب اولنق اوزره
تموزک اون بشنجي صالي کوني ساعت يدي راده لرنده
اصحاب مطلوبک محکمه مذکورک افلاس او طه سته
کلري اعلان اولتور .

ايکنجي تجارت حکم سنده :

بک اوغلنده جاده کيرده ۴۳۱ نومرو لي مغازه نک
آلتنه اجراي تجارت ايدر ايکن ايکنجي محکمه
تجارتندن افلاسنه حکم والتمش اولان قو کيو برادرلر
وقومانيه سندن خصوصات افلاسيه سندن رؤيت وتسويه
سي ضمنتده دعوي وکيللرندن موسيو سزار بونه
وحسن سليم افندي ايله وار جيتيان اونيک افندي اصالة
سندیک تعيين قلنمش اولدقلرندن مفلس مرقوم ذمتده
آله جني اولنلرک قانوننامه تجارتنک ۱۹۹ و ۲۰۰ نجی
ماده لري موجبجه تحقيق ديون ايچون تاريخ اعلاندن

اعتباراً يكرمي بركون ظرفنده سنداتی محكمه كاتنه تسليم ايللری ومدت مذكوره ختامندن صكره اوچ كونده یعنی ۳۱۹ سنه سی تموزينك اون يدنجی پنجشنبه، اون طقوزنجی جمعه ايرتسی ويكرمی برنجی بازار ايرتسی كونلرنده ايكنجی محكمه تجارتك افلاس او طه سنه كلرك سنديك ايدیلر مواجهه سنده آله جقلرني انبات وقيد وتصديق ايتديرملری ومدت مذكوره ده انبات وجود ايدمه میان آله جقلولر حقنده قانون مذكورك ۲۱۰ نجی ماده سنه توفيقاً ايفای معامله اولنه جنی اعلان اولنور .

اعلانات شرعيه اجرا دائره سنده :

متوفی حسين خاکی افندی ورنه سنك بالموجبی اصنافدن محمد افندی ذمتنده قسمت عسكريه محكمه سندن اعطا اولنان مقتضا اعلامی موجبنجه الاجنی اولان مبالغ معلومه نك تأمین استيفاسی ضمنتده مرهون وفروختی محكوم بولنان برقم قبو جاده سنده واقع يكرمی سكرز نومرو ايله مرقم بر باب وقف بالموجبی دكانك نصف حصه سيله دروننده مستقر ايکی عدد اوطوراجقی کدکندن يومی ايکی اچه اجاره مؤجله لو بر عدد اوطوراجقی کدکنك نصف حصه شايه سی وشهریه اوتوز اچه اجاره مؤجله لو بر عدد اوطوراجقی کدکنك ربع حصه شايه سنك اشبو تاريخ اعلاندن اعتباراً اون بش كون صكره فروخته تشبث اولنه جغندن بی سورمك اوزره طالب اولنلرك وبوندن زياده معلومات المقياسيانلرك مدت مذكوره ختامندن صكره درسعات اعلامات شرعيه اجرا دائره سنه مراجعت ايللری اعلان اولنور .

متوفاة مفیده خانم ورنه سنك تره زه قادين ذمتنده اوقاف هايون مفتشكندن اعطا اولنان مقتضا اعلامی موجبنجه الاجنی اولان مبالغ معلومه نك تأمین استيفاسی ضمنتده مرهون وفروختی محكوم بولنان بوغاز ايچنده اناطولی حصارنده كوكسو زقاغنده واقع حرمينه ملحق حضرت خالد وپير محمد پاشا جامنده صالحه سلطان وقفه سنوی اوتوز بش بچق غروش مقاطعه لو مكرر يدی نومرو ايله مرقم بش دونم ايکی اولك سكران يدی ذراع مقداری عرصه نك اشبو تاريخ اعلاندن اعتباراً اون بش كون صكره فروخته تشبث اولنه جغندن بی سورمك اوزره طالب اولنلرك وبوندن زياده معلومات المقياسيانلرك مدت مذكوره ختامندن صكره درسعات اعلامات شرعيه اجرا دائره سنه مراجعت ايللری اعلان اولنور .

احباب خيراتدن مرحوم عمر لطفی افندی نقود

موقوفه سنك متوليسی ساحتلو حاجی محمد نوری افندی حضرتلرينك مصطفى ضيا بك ذمتنده قسمت عسكريه محكمه سندن اعطا اولنان برقطعه مقتضا اعلامی موجبنجه الاجنی اولان مبالغ معلومه نك تأمین استيفاسی ضمنتده مرهون وفروختی محكوم بولنان چارشوی کيرده يورغانچيلر جاده سنده واقع يكرمی يدی نومرو ايله مرقم بر باب يورغانچي دكانی دروننده موجود يورغانچي کدکی بوندن مقدم لدى المزايده ليرای عثمانی يوز غروشدن سكرز بيك يوز غروش بدل ايله طالي اوزرنده تقرر ايتش وموقت قرار داده سی کشيده قلمش اولديغندن يوزده بش ضميله بوندن زياده يه طالب اولنلرك اشبو تاريخ اعلاندن اعتباراً اوتوز بركون ظرفنده اعلامات شرعيه اجرا دائره سنه مراجعت ايللری ومدت مذكوره دن صكره ضم قبول اولنيوب تقرر ايدن بدل مقابلنده طالي عهده سنه معامله فراغيه سنك اجرا قلنه جنی اعلان اولنور .

اعلانات نظاميه اجرا دائره سنده :

فهمی بكك بااعلام نظامی عبدالرحمن اغا ذمتنده محكوم به غير از استيفا مطلوبی اولان مبالغك تأمین استيفاسیچون حجز آلتنه آله رق فروختی قرارلشد . يريلان طورو رنكده ايکی رأس يوك بارکيري مع طاقم تاريخ اعلاندن اوچ كون صكره یعنی شهرتموزك اوچنجی پنجشنبه کونی فاتح جوارنده اسب بازارنده بالمزايده فروخت اولنه جنی درسعات اعلامات نظاميه اجرا دائره سندن اعلان اولنور .

محكمه تجارت اجرا دائره سنده :

يورکی يوسفيديسك قوميسونجی اغا طو ذمتنده ايكنجی محكمه تجارت اعلاميه محكوم به اولان الاجنك تأمین استيفاسیچون مديون مرقومك محجوز بولنان بر عدد كهنه كليمی ايله بر عدد مع كموش كوستك ايکی طرفی جاملی التون ساعت وبر عدد التون يوزوكنك فروختی تقرر ايتش اولمغه بر موجب قرار اشياي مذكوره تاريخ اعلاندن اعتباراً اوچ كون صكره یعنی تموزك يدنجی بازار ايرتسی کونی ساعت بشده درسعاتنده بات بازارنده مأموری مواجهه سنده بالمزايده فروخت اولنه جغندن طالب اولنلرك يوم ووقت مزبورده محل مذكوره حاضر بولنلری محكمه تجارت اجرا دائره سندن اعلان اولنور .

فرانسه دولتی تبعه سندن ميرقوطرونك حليم پاشا زاده سعادتلو ابراهيم پاشا حضرتلری ذمتنده برنجی محكمه تجارت اعلاميه الاجنی اولان اچه نك تسويه .

سيچون مديون مشار اليك سرکه جي اسكله سی جوارنده دايه خاتون محله سنده تيمور قبو جاده سنده معلوم الحدود اون يدی واون طقوز وقوم ميدانی زقاغنده سكرز نومرو لرايله مرقم ودر ورنده اون او طه لی كهنه بر باب اخشاب قونایي محتوی بولنان علی التخمين درت بيك ذراع عتيق مقداری عرصه تاريخ اعلاندن اعتباراً اون بش كون صكره موقع مزايده يه قونيله جغندن اشتراسنه طالب اولنلرك ودها زياده معلومات المقياسيانلرك محكمه تجارت اجرا دائره سنه مراجعت ايللری اعلان اولنور .

بك اوغلی بدایت محكمه سی اجرا دائره سنده :

آستينك خديجه حوريه خانم ذمتنده بك اوغلی بدایت محكمه سی برنجی حقوق دائره سی اعلاميه محكوم به اله جنی اولان ايكيوز قرق عدد ليرای عثمانينك مع فائض ومصارف محاكمه تأمین استيفاسی ايچون مرهون وفروختی محكوم اولان غلطه ده محموديه جاده سنده ايكيوز سكران بر نومرو لی بر باب يورکجي فروخته يوز يكرمی سهم اعتباريله متصرفه اولديغنی قرق سهمك تاريخ اعلاندن اعتباراً اون بش كون صكره بالمزايده فروخته تشبث اولنه جنی اعلان اولنور .

قرنال قضاسی بدایت محكمه سی اجرا دائره سنده :

بالق بازارنده ساكن تبعه دولت عليه دن فسحی ميقيونك قرنال قضاسنه مضاف مالتبه قريه سنده ساكن متوفی آدم اوغلی ديمتری زوجه سی آوانكليه ووالده سی رالو وكريمه سی قاترينه علملرنده قرنال بدایت محكمه سندن استحصال ايدوب موقع اجرايه وضع اولنان ۱۶ مایس سنه ۳۱۹ تاريخ واون ايکی نومرو لی برقطعه اعلام قطعی موجبنجه الاجنی اولان مبالغ معلومه نك تأمین استيفاسی ضمنتده مرقومونك متصرف اولوب مبلغ مدعا به دن طولاي مرهون بولنان قريه مذكوره ده اسكدار جاده سنده كائن طرفلری شرفاً واسيل شمالاً علکسی جنوباً شمندوفر خطی غرباً طريق ايله محدود زمینی وقف، اينه سی صرف ملك يكرمی يدی نومرو لی مع او طه برقطعه سبزه باغچه سی تاريخ اعلاندن اعتباراً اون بش كون ختامنده بالمزايده فروخت ايديله جگندن طالب اولوب بی سورمك وياخود دها زياده معلومات المقياسيانلرك قرنال بدایت محكمه سی اجرا دائره سنه مراجعت ايللری اعلان اولنور .